



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 444
fax. +387 33 726 423
e – mail: info@voda.ba

Broj: **UP-1/21-3 40-284 -7/22**
Datum: **20.06.2023. godine**

«Agencija za vodno područje rijeke Save», Sarajevo po zahtjevu pravnog lica JP „Elektroprivreda BH” d.d. Sarajevo TE Tuzla, a vezano za aktivnost privremenog i kontrolisanog ispuštanja tehnoloških otpadnih voda sa odlagališta šljake i pepela „Jezero” preko ispusta (mjerno mjesto) E₃ u periodu maj-juli 2023 godine, na osnovu člana 132. i člana 133. Zakona o vodama («Službene novine Federacije BiH», broj 70/06) i člana 270. Zakona o upravnom postupku («Službene novine Federacije BiH», broj 2/98, 49/99, 61/22), donosi:

N a l o g

1. U cilju obaranja nivoa vodenog ogledala na odlagalištu šljake i pepela Jezero na 280,00 mn.m., ispuštanjem tehnološke otpadne vode na ispustu E₃, koji se treba izvesti u periodu 16.05.2023 godine do 16.07.2023 godine (u roku 2 mjeseca), **nalaže se i odobrava se** JP „Elektroprivreda BiH” d.d. Sarajevo, Podružnica TE Tuzla privremeno, kontinuirano i kontrolirano ispuštanje tehnološke otpadne vode sa odlagališta Jezero preko ispusta (mjerno mjesto) E₃ u periodu od 16.05.2023. godine do 16.07.2023 godine uz slijedeće uslove:

- Da se vrši monitoring kvaliteta i kvantiteta otpadnih voda prilikom ispuštanja tehnoloških otpadnih voda putem laboratorije ovlaštene od strane Federalnog ministarstva poljoprivrede, vodoprivrede i šumarstva. U periodu od 16.05.2023 godine do 16.07.2023 godine vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20). Rezultate analiza dostaviti ovoj Agenciji.
- Da se ispuštanje otpadnih voda vrši kontrolisano i na način da uticaj istih na kvalitet podzemnih i površinskih voda bude izražen u što je moguće manjoj mjeri.
- Korisnik ovog vodnog naloga je u obavezi da imenuje odgovorno stručno lice sa osnovnim zadatkom kontinuiranog nadzora (praćenja i kontrole) nad provođenjem aktivnosti na povremenom ispuštanju otpadnih voda.
- Da se izbjegavaju „udarna” ispuštanja kao i ispuštanja u malovodnom periodu.
- Da formira i vodi knjiga - dnevnik opažanja i aktivnosti u postupku privremenog ispuštanja tehnološke otpadne vode sa odlagališta Jezero preko ispusta (mjerno mjesto) E₃.
- U slučaju opažanja bilo kakvih promjena koje bi imale značajan uticaj na površinske i podzemne vode obustaviti privremeno ispuštanje tehnološke otpadne vode.

2. Na osnovu utvrđenog stepena zagađenja ispuštenih otpadnih voda izraženog preko broja EBS-a, (ispitivanje urađeno od strane ovlaštene laboratorije) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada, Poglavlje IV („Službene novine Federacije BiH”, broj 92/07, 46/09, 79/11, 88/12 i 03/16), korisnik je obavezan za utvrđeni broj EBS-a prema rezultatima ispitivanja plaćati posebnu vodnu naknadu za zaštitu voda za ispuštene tehnološke otpadne vode sa odlagališta Jezero preko ispusta (mjerno mjesto) E₃ u toku važenja ovog naloga kao i do trenutka izdavanja ovog naloga.

3. Ovaj vodni nalog se daje na određeni period do 16.07.2023 godine.

4. Ukoliko zbog navedenih aktivnosti dođe do promjene ili poremećaja kvaliteta podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.

Obrazloženje

Pravno lice JP „Elektroprivreda BiH“ d.d. Sarajevo, Podružnica TE „Tuzla“ Tuzla, zahtjevom broj: 02-52-13-5793-1/2023 od 15.06.2023 godine se obratilo ovoj Agenciji za donošenje rješenja o vodnom nalogu za aktivnost privremenog i kontrolisanog ispuštanja tehnoloških otpadnih voda sa odlagališta šljake i pepela Jezero preko ispusta (mjerno mjesto) E₃ u periodu 16.05.2023. godine do 16.07.2023 godine u cilju obaranja nivoa vodenog ogledala na odlagalištu šljake i pepela Jezero Jezeru II na 280,00 m.n.m..

Uz zahtjev je dostavljena slijedeća dokumentacija:

- Obavještenje o kontrolisanom ispuštanje broj: 02-52-3-4197-1/2023 od 16.05.2023 godine od strane JP „Elektroprivreda BiH“ d.d. Sarajevo, Podružnica TE „Tuzla“ Tuzla,
- Obavještenje o kontrolisanom ispuštanje broj: 02-52-3-4196-1/2023 od 11.05.2023 godine od strane JP „Elektroprivreda BiH“ d.d. Sarajevo, Podružnica TE „Tuzla“ Tuzla,
- Kopija uplatnice za upravnu taksu u iznosu od 60.00 KM,
- Elaborat o zapunjavanju odlagališta produkata procesa termoelektrane „TUZLA“ za period maj 2023 godine do maj 2024 godine urađen od strane JP „Elektroprivreda BiH“ d.d. Sarajevo, Podružnica TE „Tuzla“ Tuzla, maj 2023 godine,
- Elaborat o zapunjenosti odlagališta produkata procesa termoelektrane „TUZLA“ (Jezero II) urađen od strane GIF SOFT d.o.o. Bijeljina, april 2023 godine

U periodu važenja prethodnog rješenja o vodnoj dozvoli pravnom licu su izdata dva naloga za privremeno i kontrolisano ispuštanje tehnoloških otpadnih voda sa odlagališta šljake i pepela Jezero preko ispusta (mjerno mjesto) E₃ u cilju nesmetane realizacije radova na proširenju kapaciteta odlagališta šljake i pepela Jezero.

Za aktivnost ispuštanje tehnoloških otpadnih voda i oborinskih onečišćenih voda iz kompleksa od četiri bloka (blok 3,4,5,6) ukupno instalisane snage 730 MW -pogona za proizvodnju toplinske i električne energije u TE Tuzla, deponije šljake i pepela Jezero II, manipulativnih i saobraćajnih površina TE „Tuzla“ Tuzla, u recipijent rijeku Jalu je izdato rješenje o vodnoj dozvoli broj: UP-1/21-3-40-284-5/22 od 30.09.2022. godine od strane ove Agencije kojim su propisani uslovi pod kojim se sa aspekta voda mogu provoditi ove aktivnosti.

U postupku izdavanja navedenog rješenja utvrđeno je da je realizacijom projekta- Inovirani i dopunjeni Glavni projekat „Zatvoreni ciklus i tretman otpadnih voda TE „Tuzla“ (revizija)“, Energoinvest, april 2013 godine su stvoreni uslovi da se voda sa deponije šljake i pepela ne ispušta u rijeku Jalu (ispust E₃).

U dostavljenom zahtjevu se navodi da je neophodno obaranje nivoa vodenog ogledala na odlagalištu šljake i pepela Jezero na Jezeru II na 280,00 m.n.m.

Na osnovu Elaborata o zapunjenosti odlagališta produkata procesa termoelektrane „TUZLA“ od strane GIF SOFT d.o.o. Bijeljina, april 2023 godine, urađen je plan zapunjavanja odlagališta Jezero II za period maj 2023- maj 2024 godine.

Na bazi Elaborata izračunata zapremina odlagališta Jezero do kote 280,00 m.n.m. iznosi 1.921.038, 98 m³ i planiranim godišnjim odlaganjem šljake i pepela u količini 650.000 m³, predviđa se korištenje odlagališta Jezero na period od cca 3 godine.

Prema Glavnom projektu deponije šljake i pepela Jezero- II faza, iz 2007 godine (urađen od strane GIT d.o.o. Tuzla) projektovano zapunjenje odlagališta je do 280,00 m.n.m., gdje je ostavljen prostor za sloj vode od 1m i rezerva od 1m kao zaštitna visina do krune brane na koti 282,00 m.n.m.

Prema normalnom profilu brane, drenažni sistem u tijelu brane urađen je do kote 280,00 m.n.m.

Količina vode na odlagalištu Jezero je u konstantnom porast, prvenstveno zbog velikog slivnog područja za sve oborinske i procjedne vode, te je dalje zapunjavanje šljakom i pepelom i sigurnost brane uslovljena ispuštanjem vode sa odlagališta u količini od 650.000 m³ u periodu maj 2023- maj 2024 godine na ispustu E₃.

Trenutna kota vodenog ogledala je 280,76 m.n.m. te je za postizanje željenog cilja potrebno izvršiti ispuštanje tehnološke otpadne do sredine jula 2023 godine.

Na osnovu svega navedenog i zbog činjenice da su nastupile okolnosti koje onemogućavaju ispunjenje svih uslova propisanih navedenom vodnom dozvolom, radi usklađivanja postupanja u skladu sa novonastalim uvjetima, a u skladu sa članom 132. i članom 133. Zakona o vodama («Službene novine Federacije BiH», broj 70/06), u postupku rješavanja predmeta zahtjeva, odlučeno je da se za namjeravanu aktivnost izda novi Nalog.

Za aktivnost privremenog i kontrolisanog ispuštanja tehnoloških otpadnih voda sa odlagališta šljake i pepela „Jezero“ preko ispusta (mjerno mjesto) E₃ u periodu 16.05.2023 godine do 16.07.2023 godine, tačkama 1. do 3. dispozitiva Naloga, propisani su uvjeti u skladu sa članom 132. stav 1. i 2. Zakona o vodama, a u vezi sa članom 13. stav (5) Uredbe o uslovima ispuštanja otpadnih voda u okoliš i sisteme javne kanalizacije, uslovima pri kojim neće se bitno degradirati kvalitet vode, promijeniti morfologija nizvodnog korita rijeke Jale, te štetno uticati na akvatične i poluakvatične ekosisteme na nizvodnom toku rijeke Jale.

Na osnovu predviđene aktivnosti i na osnovu članova 132. i 133. Zakona o vodama i člana 200 stav 1. Zakona o upravnom postupku, odlučeno je kao u dispozitivu Naloga.

Uputa o pravnom lijeku:

Protiv ovog rješenja može se izjaviti prigovor u roku od 7 dana od dana prijema Rješenja. Prigovor se podnosi neposredno pismeno Agenciji za vodno područje rijeke Save Sarajevo.

Obrađivač akta: Behija Ahmedić, dipl.inž.tehn.


Povolštenju
Rukovodilac sektora za izdavanje vodnih akata

Haris Ališehović, dipl.inž.građ.

Dostaviti:

- JP „Elektroprivreda BiH“ d.d. Sarajevo, Podružnica TE „Tuzla“, 21 aprila 4, Tuzla
- FU za inspeksijske poslove, Vodna inspekcija Sarajevo,
- ⓐ AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo